

Namo tassa bhagavato arahato sammāsambuddhassa

Cūḷaganthavaṃsapāli

1. Piṭakattayaparicchedo

Namassetvāna sambuddhaṃ, aggavaṃsavaraṃvaram;
Natvāna dhammaṃ buddhajaṃ, saṅghañcāpiniraṅgaṃ.

Ganthavaṃsampi nissāya, ganthavaṃsaṃ pakathissaṃ;
Tipeṭakasamāhāraṃ, sādhuṃ jaṅghadāsakaṃ.

Vimatinodanamārambhaṃ, taṃ me suṇātha sādhuvo;
Sabbampi buddhavacanaṃ, vimutti ca sahetukaṃ.

Hoti ekavidhaṃyeva, tividhaṃ piṭakena ca;
Taṅca sabbampi kevalaṃ, pañcavidhaṃ nikāyato.

Aṅgato ca navavidhaṃ, dhammakkhandhagaṇanato;
Caturāsīti sahassa, dhammakkhandhapabhedananti.

Kathaṃ piṭakato piṭakañhi tividhaṃ hoti?

Vinayapiṭakaṃ, abhidhammapiṭakaṃ suttantapiṭakanti. Tattha katamaṃ vinaya piṭakaṃ?
Pārājikakaṇḍaṃ, pācittiyakaṇḍaṃ, mahāvaggakaṇḍaṃ, cullavaggakaṇḍaṃ, parivārakaṇḍanti. Imāni
kaṇḍāni vinayapiṭakaṃ nāma.

Katamaṃ abhidhammapiṭakaṃ? Dhammasaṅgaṇī-pakaraṇaṃ, vibhaṅga-pakaraṇaṃ,
dhātukathā-pakaraṇaṃ, puggalapaññatti-pakaraṇaṃ, kathāvatthu-pakaraṇaṃ, yamaka-pakaraṇaṃ,
paṭṭhāna-pakaraṇanti. Imāni satta pakaraṇāni abhidhammapiṭakaṃ nāma. Katamaṃ suttantapiṭakaṃ?
Sīlakkhandhavaggādikaṃ, avasesaṃ buddhavacanaṃ suttantapiṭakaṃ nāma.

Kathaṃ nikāyato? Nikāyā pañca vidhā honti. Dīghanikāyo, majjhimanikāyo, saṃyuttanikāyo,
āṅguttaranikāyo, khuddakanikāyoti.

Tattha katamo dīgha-nikāyo? Sīlakkhandhavaggo, mahāvaggo, pāthikavaggoti, ime tayo vaggā
dīghanikāyo nāma. Imesu tīsu vaggesu, catutiṃsa vaggāni ca honti. [Catutiṃseva suttantā,
sīlakkhandhavaggādikā, yassa bhavanti so yeva dīghanikāya nāma hoti.]

Katamo majjhimanikāyo? Mūlapaṇṇāso, majjhimapañṇāso, uparipaṇṇāsoti, ime tayo paṇṇāsā
majjhimanikāyo nāma. Imesu tīsu paṇṇāsesu dvepaññāsādhika-sutta-satāni honti
[diyaḍḍhasatasuttantā, dvi suttamaṃ yassa santiso, majjhimanikāyo nāmo mūlapañṇāsamādi hoti.]

Katamo saṃyuttanikāyo? Sagāthāvaggo, nidānavaggo, khandhakavaggo, saḷāyatanavaggo,
mahāvaggoti, ime pañca vaggā saṃyuttanikāyo nāma. Imesu pañcasu vaggesu
dvāsaṭṭhisuttasattasatādhikasatta-suttasahassāni honti. [Dvāsaṭṭhi-satta-satāni, suttasahassakāni ca.]
Suttāni yassa honti so, sagāthādhikavaggako, saṃyuttanikāyo nāmo vedītabbo ca viññūnāti.

Katamo āṅguttaranikāyo? Ekkanipāto, dukkanipāto, tikkaniipāto, catukkanipāto, pañcakanipāto,
chakkanipāto, sattakanipāto, aṭṭhakanipāto, navakanipāto, dasakanipāto, ekādasanipātoti, ime
ekādasa nipātā āṅguttaranikāyo nāma. Imesu ekādasa nipātesu satta-paññāsa-pañca-satādhikanava-
sutta-sahassāni honti. [Navasuttasahassāni, pañcasatamattāni ca, sattapaññāsādhikāni, suttāni yassa
honti so, āṅguttaranikāyoti, ekkanipātakādikoti.]

Katamo khuddakanikāyo? Khuddakapāṭho, dhammapadam, udānam, itivuttakam, suttanipāto, vimānavatthu, petavatthu, therakathā, therīkathā, jātakam, mahāniddeho, paṭisambhidāmaggo, apadānam, buddhavamsu, cariyāpiṭakam, vinayapiṭakam, abhidhammapiṭakanti. Imesu sattarasasu gantesu anekāni sutta-sahassāni honti. [Anekāni sutta-sahassāni, niddiṭṭhāni mahesinā, nikāye pañcame ime, khuddake iti visuteti.]

Katham āngato āngahi nava vidham hoti? Suttam, geyyam, veyyākaraṇam, gāthā, udānam, itivuttakam, jātakam, abbhutadhammam, vedallanti, navappabhedam hoti. Tattha ubhato vibhaṅganiddesakhandhakaparivārā, suttanipāte, maṅgalasutta, ratanasutta, tuvaṭṭakasuttāni. Aññampi suttanāmakam tathāgatavacanam, suttanti veditabbam. Sabbam sagāthakam geyyanti veditabbam. Visanasamyuttake sakalopi sagāthakavaggo, sakalam abhidhammapiṭakam nigāthakañca suttayañca aññampi aṭṭhahi āṅgehi asaṅgahitam buddhavacanam tam veyyākaraṇanti veditabbam. Dhammapadam, therakathā, therīkathā, suttanipāte, no suttanāmikā suddhikagāthā, gāthāti veditabbā. Somanassa ñānamayikagāthā paṭika-samyuttā dve asītisuttantā udānanti veditabbā. Vuttañhetam bhagavatātiādinayappavattā dasuttarasatasuttantā, itivuttakanti veditabbā. Apaṇṇakajātakādīni paññāsādikāni. Pañcājatākasatāni, jātakanti veditabbam. Cattāro me bhikkhave acchariyā abhūradhammā, ānandetiādinayappavattā sabbepi acchariya abhūradhammapaṭisamyuttā suttantā abhūradhammanti veditabbā. Cullavedalla, mahāvedalla, sammādiṭṭhi, sakkapañha, saṅkhārabhājaniya, mahāpuṇṇamasuttantādayo sabbepi vedañca tuṭṭhiñca laddhā [puccha] laddhā pucchitasuttantā, vedallanti veditabbā. Katamāni caturāsīti dhammakhandhasahassāni dujānāni, caturāsīti dhammakhandhasahassāni sace vitthārena kathissam atipapañco bhavissati. Tasmā naya vasena kathissāmi. Ekaṃ vatthu, eko dhammakhandho, ekaṃ nidānam eko dhammakhandho, ekaṃ pañhā pucchantaṃ eko dhammakhandho, ekaṃ pañhā visajjanam eko dhammakhandho, caturāsīti dhammakhandhasahassāni kena bhāsītāni, kattha bhāsītāni, kadā bhāsītāni, kamārabbha bhāsītāni, kimattham bhāsītāni, kena dhāritāni, kenābhatāni, kimattham pariyāpuṇitabbāni. Tatrāyam visajjanā, kena bhāsītāni? Buddhānu buddhehi bhāsītāni. Kattha bhāsītāni? Devesu ca mānussesu ca, bhāsītāni. Kadā bhāsītāni? Bhagavato dharmānakāle ceva pacchimakāle ca bhāsītāni. Katamārabbha bhāsītāni? Pañcavaggiyādike veneyya bandhave ārabbha bhāsītāni. Kimattham bhāsītāni? Tivajjañca avajjañca ñatvā vajjam pahāya avajje paṭipattivā nibbānapariyante. Diṭṭha-dhammikasamparāyikatthe sampāpuṇitum.

Kena dhāritāni? Anubuddhehi ceva sissānussishehi ca dhāritāni. Kenā bhatāni? Ācariya paramparehi ābhatāni. Kimattham pariyāpuṇitabbāni? Vajjañca avajjañca ñatvā vajjam pahāya avajje paṭipattivā nibbānapariyante diṭṭhadhammikasamparāyikatthe, sampāpuṇitum, yadevam tāya nibbānapariyante diṭṭhadhammikasamparāyikatthe sādhiṅkāni honti. Teva tattha kehi appamattena pariyāpuṇitabbāni dhāretabbāni dhāretabbāni vācetaṅkāni sajjhāyam kātabbāni [iti cullaganthavamsu piṭakattaya dīpako nāma paṭhamo paricchedo.]

2. Ganthakāracariya-paricchedo

Ācariyo pana atthi. Porāṇācariyā atthi, aṭṭhakathācariyā atthi, ganthakāracariyā atthi, tividhanāmikācariyā. Katame porāṇācariyā? Paṭhamasaṅgāyanāyam pañcasatā khīṇāsavā pañcannaṃ nikāyānam nāmañca atthañca adhippāyañca yadañca byañjana sodhanañca avasesam kiccaṃ karimṣu. Dutiyasaṅgāyanāyam sattasatā khīṇāsavā tesamyeva saddatthādikaṃ kiccaṃ puna karimṣu. Tatiyasaṅgāyanāyam sahasamattā khīṇāsavā tesamyeva saddatthādikaṃ kiccaṃ puna karimṣu. Icevam dvesatādhikā dvesahassa khīṇāsavā mahākaccāyanam ṭhapetvā avasesā porāṇācariyā nāma. Ye porāṇācariyā teyeva aṭṭhakathācariyā nāma. Katame ganthakāracariyā? Mahāaṭṭhakathikāpebhadaanekācariyā ganthakāracariyā nāma. Katame tividha nāmācariyā mahākaccāyano tividhanāmaṃ. Katame ganthā mahākaccāyanena katā? Kaccāyanagantho, mahāniruttigantho, cullaniruttigantho, yamakagantho, nettigantho, peṭakopadesaganthoti, ime cha ganthā mahākaccāyanena katā. Katame anekācariyena katā ganthā? Mahāpaccarīkācariyo mahāpaccariyam nāma gantham akāsi. Mahākurundikācariyo kurundi nāma gantham akāsi. Aññataro ācariyo mahāpaccariya ganthassa aṭṭhakatham akāsi. Aññataro ācariyo kurundi ganthassa aṭṭhakatham akāsi, mahābuddhaghosā nāmācariyo visuddhimaggo dīghanikāyassa sumaṅgalavilāsani nāma aṭṭhakathā, majjhimanikāyassa papañcasūdanī nāma aṭṭhakathā, samyuttanikāyassa

sāratthappakāsini nāma aṭṭhakathā, aṅguttaranikāyassa manorathapūraṇi nāma aṭṭhakathā, pañcavinaya ganthānaṃ samantapāsādikā nāma aṭṭhakathā, sattannaṃ abhidhammaganthānaṃ paramatthakathā nāma aṭṭhakathā, pātimokkha saṃkhātāya mātikāya kaṅkhāvitarāṇi visuddhi nāma aṭṭhakathā, dhammapadassa aṭṭhakathā, jātakassa aṭṭhakathā, khuddakapāṭhassa aṭṭhakathā, suttanipātassa aṭṭhakathā, apadānassa aṭṭhakathāti, ime terasa ganthe akāsi. Buddhadattonāmācariyo vinaya vinicchayo, uttaravinicchayo, abhidhammāvatāro, buddhavaṃsassa madhuratthavilāsini nāma aṭṭhakathāti, ime cattāro ganthe akāsi. Ānandonāmācariyā sattābhidhammaganthaṭṭhakathāya mūṭikaṃ nāma ṭikaṃ akāsi. Dhammapālācariyo nettippakaraṇaṭṭhakathā, itivuttakathā, udānaṭṭhakathā, cariyāpiṭṭakathā, therakathāṭṭhakathā, therīkathāṭṭhakathā, vimānavatthussa vimalavilāsini nāma aṭṭhakathā, petavatthussa vimalavilāsini nāma aṭṭhakathā, visuddhimaggassa paramatthamañjūsā nāma ṭikā, dīghanikāyassa aṭṭhakathādīnaṃ catunnaṃ aṭṭhakathānaṃ līnatthappakāsani nāma ṭikā, jātakathāṭṭhakathāya līnatthappakāsani nāma ṭikā, nettippakaraṇaṭṭhakathāya ṭikā, buddhavaṃsaṭṭhakathāya paramatthadīpani nāma ṭikā, abhidhammaṭṭhakathāyaṭṭikā līnatthavaṇṇanā nāma anuṭṭikāti ime cuddasa matte ganthe akāsi.

Dve pubbācariyānāmā cariyānirutti mañjūsā nāma cullanirutti ṭikaṅca mahānirutti saṅkhepaṅca akāṃsu. Mahāvajirabuddhināmācariyo vinayagaṇṭhināma pakaraṇaṃ akāsi. Dīpaṅkarasaṅkhāto vimalabuddhi nāmācariyo mukhamattadīpani nāmakaṃ nyāsappakaraṇaṃ akāsi. Cullavajirabuddhi nāmācariyo atthabyākhyānaṃ nāma pakaraṇaṃ akāsi.

Dīpaṅkaro nāmācariyo rūpasiddhi pakaraṇaṃ, rūpasiddhi ṭikaṃ, sampapaṅca suttāñceti tividhaṃ pakaraṇaṃ akāsi. Ānandācariyassa jeṭṭhasisso dhammapālo nāmācariyo saccasaṅkhepaṃ nāma pakaraṇaṃ akāsi. Kassapo nāmācariyo mohavicchedanī, vimaticchedanī, dasabuddhavaṃso, anāgatavaṃsoti, catuvidhaṃ pakaraṇaṃ akāsi.

Mahānāmo nāmācariyo, saddhammapakāsani nāma paṭisambhidāmaggassa aṭṭhakathā akāsi. Dīpavaṃso, thūpavaṃso, bodhivaṃso, cūlavaṃso, mahāvaṃso, paṭisambhidāmaggaṭṭhakathā gaṇṭhi ceti ime cha ganthā mahānāmācari visuṃ visuṃ katā.

Navo mahānāmo nāmācariyo navaṃ mahāvaṃsa nāma pakaraṇaṃ akāsi. Upaseno nāmācariyo saddhammapajjotikaṃ nāma mahānidhesassa aṭṭhakathā akāsi. Moggalāno nāmācariyo moggalānabyākaraṇaṃ nāma pakaraṇaṃ akāsi. Saṅgharakkhito nāmācariyo, subodhālaṅkāraṃ nāma pakaraṇaṃ akāsi. Vuttodayakāro nāmācariyo vuttodayaṃ nāma pakaraṇaṃ akāsi. Dhammasiri nāmācariyo khuddakasikkhaṃ nāma pakaraṇaṃ akāsi. Purāṇakhuddasikkhāya ṭikā, mūlasikkhā ceti, ime dve ganthā dvehācariyehi visuṃ visuṃ katā.

Anuruddho nāmācariyo paramatthavinicchayaṃ, nāmarūpaparicchedaṃ, abhidhammatthasaṅgahaṃ ceti tividhaṃ pakaraṇaṃ akāsi. Khemo nāmācariyo khemaṃ nāma pakaraṇaṃ akāsi. Sāriputto nāmācariyo vinayaṭṭhakathāya sārattadīpani nāma ṭikaṃ; vinayasaṅgahapakaraṇaṃ, vinayasaṅgahassaṭṭikaṃ; aṅguttaraṭṭhakathāya sārattamañjūsā nāma navaṃ ṭikaṃ; pañcikaṃ ṭikañceti, ime pañca ganthe akāsi. Buddhanāgo nāmācariyo vinayatthamañjūsā nāma kaṅkhāvitarāṇiyā ṭikaṃ akāsi. Navo moggalāno nāmācariyo abhidhānappadīpikaṃ nāma pakaraṇaṃ akāsi. Vācissaro nāmācariyo mahāsāmi nāma subodhālaṅkāraṃ ṭikā, vuttodaya vivaraṇaṃ, sumaṅgalappasādani nāma khuddasikkhāya ṭikā; sambandhacintā, sambandhacintāya ṭikā; bālāvatāro, moggalānabyākaraṇassa pañcikaṃ ṭikā; yogavinicchayo, vinayavinicchayassa ṭikā, uttaravinicchayassa ṭikā, nāmarūpa-paricchedassa vibhāgo, saddatthassa padarūpavibhāvaṃ; khemassa pakaraṇassa ṭikā, sīmālaṅkāro, mūlasikkhāya ṭikā, rūpavibhāgo, paccayasaṅgaho, saccasaṅkhepassa ṭikā ceti, ime aṭṭhārasa ganthe akāsi.

Sumaṅgalo nāmācariyo abhidhammāvatārassaṭṭikaṃ, abhidhammatthasaṅgahassaṭṭikaṅca duvidhaṃ pakaraṇaṃ akāsi. Buddhapīyo nāmācariyo sārattasaṅgahaṃ nāma pakaraṇaṃ akāsi. Dhammakitti nāmācariyo dantadhātu pakaraṇaṃ akāsi. Medhānkaro nāmācariyo jinacaritaṃ nāma pakaraṇaṃ akāsi. Buddharakkhito nāmācariyo jinalaṅkāraṃ, jinalaṅkāraṃ ṭikañceti duvidhaṃ pakaraṇaṃ akāsi. Upatisso nāmācariyo anāgatavaṃsassa aṭṭhakathā akāsi.

Kaṅkhāvitaraṇīyā līnatthappakāsini, nisandeho, dhammānusāraṇī, ñeyyāsantati, ñeyyāsantatiyā ṭikā, sumatādāvatāro, lokapaññatti pakaraṇaṃ, tathāgatuppati pakaraṇaṃ, nalāṭadhātu vaṇṇanā, sīhaḷavattu, dhammadīpako, paṭipattisaṅgaho, visuddhimaggaṅṭhi, abhidhammaggaṅṭhi, nettīpakaraṇagaṅṭhi, visuddhimaggacullanavaṭṭikā, sotabbamālinī, pasādajananī, okāsaloko, subodhālaṅkāraṇa nava ṭikā ceti, ime vīsati ganthā vīsātācariyehi visuṃ visuṃ katā.

Saddhammasiri nāmācariyo saddatthabhedacintā nāma pakaraṇaṃ akāsi. Devo nāmācariyo sumana kūṭavaṇṇanaṃ nāma pakaraṇaṃ akāsi. Cullabuddhaghoso nāmācariyo sotatthakinidānaṃ nāma pakaraṇaṃ akāsi. Raṭṭhapālo nāmācariyo madhurasāṅgahaṅṭhi nāma pakaraṇaṃ akāsi. Subhūtacando nāmācariyo līngatthavivaraṇa-pakaraṇaṃ akāsi. Aggavaṃso nāmācariyo saddanīti pakaraṇaṃ nāma akāsi. Vajirabuddhi nāmācariyo mahāṭikaṃ nāma nyāsapakaraṇaṭṭikaṃ akāsi. Guṇasāgaro nāmācariyo mukhamattasāraṃ, mukhamattasāraṇa ṭikaṇca duvidhaṃ pakaraṇaṃ akāsi. Abhayo nāmācariyo saddatthabhedacintāya mahāṭikaṃ akāsi. Nāṇasāgaro nāmācariyo līngatthavivaraṇappakāsaṇaṃ nāma pakaraṇaṃ akāsi. Aññataro ācariyo gūḷatthāṭikaṃ, bālappabodhanaṇca duvidhaṃ pakaraṇaṃ akāsi. Aññataro ācariyo saddattha-bhedacintāya majjhimaṭikaṃ akāsi. Uttamo nāmācariyo bālāvatāraṭikaṃ, līngatthavivaraṇaṭṭikaṇca duvidhaṃ pakaraṇaṃ akāsi. Aññataro ācariyo saddatthabhedacintāya nava-ṭikaṃ akāsi. Eko amacco abhidhānappadīpikāyaṭikaṃ, gaṅṭhipakaraṇassa daṇḍīppakaraṇassa māgadhabhūtaṃ ṭikaṃ, koladdhajanassa sakaṭabhāsāya kataṭikaṇca tividhaṃ pakaraṇaṃ akāsi. Dhammasenāpati nāmācariyo kārikaṃ, etimāsapidīpanī, manohāraṇca tividhaṃ pakaraṇaṃ akāsi. Aññataro ācariyo kārikāya ṭikaṃ akāsi. Aññataro ācariyo etimāsapidīpikāya ṭikaṃ akāsi.

Aññataro ācariyo saddabindu nāma pakaraṇaṃ akāsi. Saddhammaguru nāmācariyo saddavuttīpakāsakaṃ nāma pakaraṇaṃ akāsi. Sāriputto nāmācariyo saddavuttīpakāsakassa ṭikaṃ akāsi. Aññataro ācariyo kaccāyanasāraṃ nāma pakaraṇaṃ kaccāyanasāraṇa ṭikaṇca duvidhaṃ pakaraṇaṃ akāsi. Navo medhaṅkaro nāmācariyo lokadīpakasāraṃ nāma pakaraṇaṃ akāsi. Aggapaṇḍito nāmācariyo lokuppati nāma pakaraṇaṃ akāsi. Cīvaro nāmācariyo jaṅghadāsakassa ṭikaṃ akāsi. Mātīkatthadīpanī, abhidhammatthasaṅgahaṇṇanā, sīmālaṅkāraṇaṭṭikā, vinayasamuṭṭhānadīpanī ṭikā, gaṅṭhi sāro, paṭṭhānagaṇanā nayo, suttaniddeso, pātīmokkho, ceti, ime aṭṭha ganthe saddhammajotīpālācariyo akāsi. Vimalabuddhi nāmācariyo abhidhamma-pannārasaṭṭhānaṃ nāma pakaraṇaṃ akāsi. Navo vimalabuddhi nāmācariyo saddasāratthajālinī, saddasāratthajāliniyā ṭikā, vuttodaya ṭikā, paramatthamañjūsā nāma abhidhammasaṅgahaṭṭikāya anuṭṭikā dasagaṅṭhivaṇṇanā, māgadhabhūtāvidaggamukhamaṇḍanaṭṭikā ceti ime cha ganthe akāsi. Aññataro ācariyo pañcapakaraṇaṭṭikāya navānuṭṭikaṃ akāsi. Ariyavaṃso nāmācariyo abhidhammasaṅgaha-ṭikāya [paramattha] maṇīsāramañjūsāṃ nāma navānuṭṭikaṃ akāsi. Abhidhammatthasaṅgahassa ṭikā, peṭakopadesassa ṭikā, catubhāṇavāraṇaṃ aṭṭhakathā, mahāsārapakāsānī, mahādīpanī, sārattadīpanī gati pakaraṇaṃ, hatthasāro, bhūmasaṅgaho, bhūmaniddeso, dasavatthukāyaviratiṭṭikā, jōtanā nirutti, vibhattikathā, kaccāyanavivaraṇā, saddhammālinī, pañcagati vaṇṇanā, bālācittapabodhanaṃ, dhammacakkasuttassa navaṭṭhakathā, dantadhātu pakaraṇaṇa ṭikā ceti, ime vīsati ganthā nānācariyehi katā, aññāni pana pakaraṇāni atthi.

Katamāni saddhammo pāyano, bālappabodhanapakaraṇaṇa ṭikā ca, jinālaṅkārapakaraṇaṇa navaṭṭikā ca, līngatthavivaraṇaṃ, līngavinicchayo; pātīmokkhavivaraṇaṃ, paramatthakathāvivaraṇaṃ, samantapāsādikā vivaraṇaṃ, catubhāṇavāraṭṭhakathā vivaraṇaṃ, abhidhammatthasaṅgahavivaraṇaṃ, saccasaṅkhepavivaraṇaṃ, saddatthabhedacintāvivaraṇaṃ, saddavuttivivaraṇaṃ, kaccāyanasāravivaraṇaṃ, abhidhammatthasaṅgahassa ṭikā vivaraṇaṃ, mahāvessantarājātakassa vivaraṇaṃ, sakkābhīmatāṃ, mahāvessantarājātakassa navaṭṭhakathā, paṭṭhama saṃbodhi, lokanetti ca, buddhaghosācariyanidānaṃ milindapañhā vaṇṇanā, caturā rakkhā, caturakkhāya aṭṭhakathā, saddavuttīpakaraṇaṇa navaṭṭikā, iccevaṃ pañcavīsati pamāṇāni pakaraṇāni laṅko dīpādīsuttāhānesu paṇḍitehi katāni ahesuṃ, sambuddhegāthā ca, naradeva nāma gāthā ca, dātave cīratti gāthā ca, vīsati ovādagāthā ca, dānasattari, sīlasattari, sappādānavāṇṇanā, anantabuddhavandanagāthā ca, aṭṭhāvīsati buddhavandanagāthā ca, atītānāgatapaccuppannavandanagāthā ca, asītīmahāsāvakaṇavandanagāthā ca, navahāraguṇavaṇṇanā cāti, ime buddhapaṇāma-gāthādikā gāthā yo paṇḍitehi laṅkādīpādīsuttāhānesu katā ahesuṃ [iti cullaganthavaṃse ganthakāraṇācariya dīpako nāma dutiyo paricchedo]

3. Ācariyānaṃ sañjātaṭṭhānaparicchedo

Ācariyesu ca atthi jambudīpikācariyā atthi, laṅkādīpikācariyā. Katame jambudīpikācariyā? Katame laṅkādīpikācariyā? Mahākaccāyano jambudīpikācariyo so hi avantiraṭṭhe ujjenī nagare candapajjotassa nāma rañño purohito hutvā kāmānaṃ ādīnavaṃ disvā, gharāvāsaṃ pahāya satthusāsane pabbajjivā heṭṭhā vuttappakāre ganthe akāsi. Mahāaṭṭhakathācariyo jambudīpiko, mahāpaccariyācariyo, mahākurundikācariyo, aññataro ācariyā dveti ime ca bhūvacariyā. Laṅkādīpikācariyā nāma te kira buddhaghosācariyassa pūre bhūtācariye kāle ahesuṃ. Mahābuddhaghosācariyo jambudīpiko. So kira magadharatṭhe ghosakagāme rañño purohitassa kesi nāma brāhmaṇassa putto, satthusāsane pabbajjivā laṅkādīpaṃ gato heṭṭhā vuttappakāre ganthe akāsi.

Buddhadattācariyo, ānandācariyo, dhammapālācariyo, dve bubbācariyo, mahāvajira-buddhācariyo, cullavajira-buddhācariyo, vimalabuddhasaṅkhāto dīpaṅkarācariyo, culladīpaṅkarācariyo, culladhammapālācariyo, kassapācariyoti ime ekādasacariyā jambudīpikā heṭṭhā vuttapakāre ganthe akāṃsu. Mahānāmācariyo, aññatarācariyā, cullamahānāmācariyo, upasenācariyo, moggalānācariyo, saṅgharakkhitācariyo, vuttodayakārācariyo, dhammasirācariyo, aññatarā dvācariyā, anuruddhācariyo, khemācariyo, sārīputtācariyo, buddhanāgācariyo, cullamoggalānācariyo, vācissavācariyo, sumaṅgalācariyo, buddhapiyācariyo, dhammakitti ācariyo medhaṅkarācariyo, buddharakkhitācariyo, upatissā cariyo, aññatarā vīsātācariyā, saddhammasirācariyo, devācariyo, cullabuddhaghosācariyo, sārīputtācariyo, raṭṭhapālācariyoti ime dve paññāsācariyā laṅkādīpikācariyā nāma. Subhūtacandācariyo, aggavaṃsācariyo, navo vajirabuddhācariyo, guṇasāgarācariyo, abhayācariyo, ñāṇasāgarācariyo, aññatarā dvācariyā, uttamācariyo, aññataro ācariyo, aññataro mahāmacco, dhammasenāpatācariyo, aññatarā tayo ācariyā, saddhammaguru ācariyo, sārīputtācariyo, aññataro ekā ācariyo, medhaṅkarācariyo, aggapaṇḍitācariyo, cīvarācariyo, saddhammajotipālācariyo, vimalabuddhācariyoti ime tevīsati ācariyā jambudīpikā heṭṭhā vuttapakāre ganthe pukkāma saṅkhāte arimaddana nagare akāṃsu.

Navovimalabuddhācariyo jambudīpiko heṭṭhā vuttapakāre ganthe paṃyanagare akāsi. Aññatarācariyo ariyavaṃsācariyoti ime dvācariyā jambudīpikā heṭṭhā vuttapakāre ganthe ati [navi] pure akāṃsu, aññatarā vīsātācariyā jambudīpikā heṭṭhā vuttapakāre ganthe kiñci purādighare akāṃsu.

[Iti cullaganthavaṃse ācariyānaṃ sañjātaṭṭhāna dīpako nāma tatiyo paricchedo.]

4. Āyāyakācariya-paricchedo

Ganthā pana siyā āyācanena ācariyehi katā, siyā anāyācanena ācariyehi katā. Katame ganthā āyācanena, katame anāyācanena katā? Mahākaccāyana gantho, mahāaṭṭhakathā gantho, mahāpaccariya gantho, mahākurundi gantho, mahāpaccariyaganthassa aṭṭhakathā gantho, mahākurundi ganthassa aṭṭhakathā ganthoti. Imehi cha ganthehi attano matiyā sāsanauggahanatthāya saddhammaṭṭhiyā katā.

Ka. buddhaghosācariya-ganthadīpanā

Buddhaghosācariya ganthesu pana visuddhimaggo, saṅghapālena nāma saṅghatherena āyācitena buddhaghosācariyena kato. Dīghanikāyassa aṭṭhakathā gantho dāṭhā nāmena saṅghatherena āyācitena buddhaghosācariyena kato. Majjhimanikāyassa aṭṭhakathā gantho buddhamittanāmena therena āyācitena buddhaghosācariyena kato. Saṃyuttanikāyassa aṭṭhakathā gantho jotipālena nāma therena āyācitena buddhaghosācariyena kato. Aṅguttaranikāyassa aṭṭhakathā gantho bhaddantā nāma therena sahaājīvakena upāsakena ca āyācitena buddhaghosācariyena kato. Samantapāsādikā nāma aṭṭhakathā gantho buddhasiri nāmena therena āyācitena buddhaghosācariyena kato. Sattannaṃ abhidhamma-ganthānaṃ aṭṭhakathā gantho cullabuddhaghosena bhikkhunā āyācitena buddhaghosācariyena kato. Dhammapadassa aṭṭhakathā gantho kumārakassapanāmena therena āyācitena buddhaghosācariyena kato. Jātakassa aṭṭhakathā gantho atthadassī, buddhamitta, buddhapiyadeva saṅkhātehi tīhi therehi

āyācītena buddhaghosācariyena kato. Khuddakapāṭhassa aṭṭhakathā gantho, suttanipātassa aṭṭhakathā gantho attano matiyā buddhaghosācariyena kato. Apadānassa aṭṭhakathā gantho pañcanikāya viññūhi pañcahi therehi āyācītena buddhaghosācariyena kato.

Buddhaghosācariya-ganthadīpanā niṭṭhitā.

Kha. buddhadattācariya-ganthadīpanā

Buddhattācariya ganthesu pana vinaya-vinicchayagantho attano sissena buddhasīhena nāma therena āyācītena buddhattācariyā kato. Uttara-vinicchayagantho saṅghapālena nāmena therena āyācītena buddhadattācariyena kato. Abhidhammāvatāro nāma gantho attano sissena sumati therena āyācītena buddhadattācariyena kato. Buddhavaṃsassa aṭṭhakathā gantho teneva buddhasīhanāma therena āyācītena buddhadattācariyena kato.

Buddhadattācariya-ganthadīpanā niṭṭhitā.

Abhidhammakathāya mūlaṭīkā nāma ṭīkā gantho buddhamittā nāma therena āyācītena ānandācariyena kato.

Ga. dhammapālācariyena-ganthadīpanā

Nettipakaraṇassa aṭṭhakathā gantho dhammarakkhita nāma therena āyācītena dhammapālācariyena kato. Itivuttakaṭṭhakathā gantho, udānaṭṭhakathā gantho, cariyāpiṭakaṭṭhakathā gantho, therakathāṭṭhakathā gantho, therikathāṭṭhakathā gantho, vimānavatthuaṭṭhakathā gantho, petavatthuaṭṭhakathā gantho, ime satta ganthā attano matiyā dhammapālācariyena kato. Visuddhimaggaṭīkā gantho dāṭhā nāmena nāma therena āyācītena dhammapālācariyena kato, dīghanikāya-aṭṭhakathādīnaṃ catunnaṃ aṭṭhakathānaṃ ṭīkā gantho, abhidhammaṭṭhakathāya anuṭīkā gantho, nettipakaraṇaṭṭhakathāya ṭīkā gantho, buddhavaṃsaṭṭhakathāya ṭīkā gantho, jātakaṭṭhakathāya ṭīkā gantho ceti ime pañca ganthā attano matiyā dhammapālācariyena kato.

Dhammapālācariya-ganthadīpanā niṭṭhitā.

Niruttimañjūsā nāma cullaniruttiṭīkā gantho, mahāniruttisaṅkhepo nāma gantho ca attano matiyā pubbācariyehi viṃsu kato.

Pañca vinayapakaraṇānaṃ vinayagaṇṭhi nāma gantho attano matiyā mahāvajirabuddhācariyena kato. Nyāsaṅkhāto mukhamattadīpanī nāma gantho attano matiyā vimalabuddhī ācariyena kato. Atthabyakkhyāno nāma gantho attano matiyā cullavajirabuddhācariyena kato. Rūpasiddhi tassa ca ganthassa ṭīkā gantho sabba pañcasuttaṅga attano matiyā dīpaṅkarācariyena kato. Saccasaṅkhepo nāma gantho attano matiyā culladhammapālācariyena kato. Mohacchedanī gantho, vimaticchedanī gantho, dasa buddhavaṃso, anāgatavaṃso ca. Attano matiyā kassapācariyena kato. Paṭisambhidāmaggassa aṭṭhakathā gantho mahānāmena upāsakena āyācītena mahānāmācariyena kato. Dīpavaṃso, thūpavaṃso, bodhivaṃso, cullavaṃso, porāṇavaṃso, mahāvaṃso cāti ime cha ganthā attano matiyā mahānāmācariyehi viṣuṃ katā. Navo mahāvaṃsagantho attano matiyā cullamahānāmācariyena kato. Saddhammapajjotikā nāma mahāniddeṣassa aṭṭhakathā gantho devena therena āyācītena upasenācariyena kato. Moggalānabyākaraṇaganthe attano matiyā moggalānācariyena kato. Subodhālaṅkāra nāma gantho attano matiyā saṅgharakkhitācariyena kato. Vuttodaya gantho attano matiyā vuttodayakārācariyena kato. Khuddasikkhā nāma gantho attano matiyā dhammasirācariyena kato. Porāṇakhuddasikkhā ṭīkā ca mūlasikkhā cāti, ime dve ganthe attano matiyā aññatarehi dvihācariyehi viṃsu katā.

Paramatthavinicchayaṃ nāma gantho saṅgharakkhītena therena āyācītena anuruddhācariyena kato. Nāmarūpa-paricchedo nāma gantho attano matiyā anuruddhācariyena kato. Abhidhammatthasaṅghaṃ nāma gantho namma nāmena upāsakena āyācītena anuruddhācariyena

kato. Khemo nāma gantho attano matiyā khemācariyena kato. Sāratthadīpanī nāma vinayaṭṭhakathāya ṭikā gantho, vinayasāṅgahaṃ, vinayasāṅgahassa ṭikā gantho, aṅguttaraṭṭhakathāya navo ṭikā ganthoti ime cattāro ganthā parakkamabāhu nāmena laṅkāḍīpissarena rañña āyācītena sārīputtācariyena kato. Sakaṭasaddasatthassa pañcīkāya ṭikā gantho attano matiyā sārīputtācariyena kato. Kaṅkhāvitaraṇīyā vinayatthamañjūsā nāma ṭikā gantho sumedhā nāmatherena āyācītena buddhanāgācariyena kato. Abhidhānappadīpiko nāma gantho attano matiyā cūlamoggalānācariyena kato. Subodhālaṅkāraṣsa mahāsāmi nāma ṭikā, vuttodaya vivaraṇaṅcāti ime dve ganthā attano matiyā vācissarena katā. Khuddasikkhāya sumaṅgalappasādani nāma navo ṭikā gantho sumaṅgalena āyācītena navācissarena kato. Sambandhacintāṭikā bālāvatāro, moggalānabyākaraṇassa ṭikā cāti ime tayo ganthā, sumaṅgala, buddhamitta, mahākassapa saṅkhātehi tīhi therehi ca, dhammakitti nāma upāsakena, vāṇijjā bhātu upāsakena ca āyācītena vācissarena kato. Nāmarūpaparicchedassa vibhāgo, saddatthassa padarūpa-vibhāvaṇaṃ, khemapakaraṇassa ṭikā, sīmālaṅkāro, mūlasikkhāya ṭikā, rūpavibhāgo, paccayasāṅgaho cāti ime satta ganthā attano matiyā vācissarena katā. Saccasaṅkhepassa ṭikā gantho sārīputta-nāmena therena āyācītena vācissarena kato. Abhidhammāvatāraṣsa ṭikā, abhidhammatthasaṅgahassa ṭikā cāti ime dve ganthā attano matiyā sumaṅgalācariyena katā. Sāratthasaṅgahaṃ nāma gantho attano matiyā buddhappiyena kato dantadhātuvaṇṇanā nāma pakaraṇaṃ

Laṅkāḍīpissaraṣsa rañño senāpatinā āyācītena dhammakittināmācariyena kataṃ. Jinacaritaṃ nāma pakaraṇaṃ attano matiyā medhaṅkarācariyena kataṃ. Jinālaṅkāro, jinālaṅkāraṣsa ṭikā attano matiyā buddharakkhitācariyena kato. Amatadharassa nāma anāgatavaṃsaṣsa attano matiyā aṭṭhakathā upatissācariyena katā. Kaṅkhāvitaraṇīyā līnatthapakāsīnī, nisandeho, dhammānusāraṇī, ñeyyā-santati, ñeyyā-santatiyā ṭikā, sumatāvatāro, lokapaññatti pakaraṇaṃ, tathāgatupatti pakaraṇaṃ, nalāṭadhātuvaṇṇanā, sīhaḷavatthu, dhammadīpako paṭipatti saṅgaho, visuddhimaggassa gaṇṭhi, abhidhammagāṇṭhi, nettīpakaraṇagaṇṭhi, visuddhimaggacūla-avaṭṭikā, sotabbamālinī, pasādajananī, okassaloko, subodhālaṅkāraṣsa nava ṭikā ceti, ime vīsati ganthā attano matiyā vīsātācariyehi viṃsu viṃsu katā.

Saddattha bhedacintā nāma pakaraṇaṃ attano matiyā saddhammasirināmācariyena kataṃ. Sumana-kūṭavaṇṇanaṃ nāma pakaraṇaṃ, rāhulā nāma therena āyācītena vācissarenadevatherena kataṃ. Sotattha kiṃ mahānidānaṃ nāma pakaraṇaṃ attano matiyā cullabuddhaghosācariyena kataṃ. Madhurasāṅgāhani nāma pakaraṇaṃ attano matiyā raṭṭhapālācariyena kataṃ. Liṅgatthavivaraṇaṃ nāma pakaraṇaṃ attano matiyā subhūtacandācariyena kataṃ. Saddanītipakaraṇaṃ attano matiyā aggavaṃsācariyena kataṃ. Nyāsapakaraṇassa mahāṭikā nāma ṭikā attano matiyā vajīrabuddhācariyena katā. Mukhamattasāro attano matiyā guṇasāgarācariyena kato. Mukhamattasāraṣsa ṭikā sutasampanna nāmena dhammarājino gurunā saṅghatherena āyācītena guṇasāgarācariyena katā. Saddatthabhedacintāya mahāṭikā attano matiyā abhayācariyena katā. Liṅgatthavivaraṇappakāsakaṃ nāma pakaraṇaṃ attano matiyā ñāṇasāgarācariyena kataṃ. Guḷhatthassa ṭikā bālappabodhanaṅca duvidhaṃ pakaraṇaṃ attano matiyā aññatarācariyena kataṃ. Saddatthabhedacintāya majjhimaṭikā attano matiyā aññatarācariyena katā. Bālāvatāraṣsa ṭikā, liṅgatthavivaraṇā ṭikā ca attano matiyā uttamācariyena katā. Saddatthabhedacintāya nava ṭikā attano matiyā aññatarācariyena katā. Abhidhānappadīpikāya ṭikā daṇḍīpakaraṇassa magagha-bhūtā ṭikā cāti duvidhā ṭikāyo attano mati, sīhasūra nāma rañño ekena amaccena katā. Koladdhajanassaṭikā pāsādikena nāma therena āyācītena teneva mahāmaccena katā. Kārikaṃ nāma pakaraṇaṃ ñāṇagambhīraṇāmena bhikkhunā āyācītena dhammasenāpatācariyena kataṃ. Etimāsamidīpanī [vā etimāsamidīpikā] nāma pakaraṇaṃ manohāraṅca attano matiyā teneva dhammasenāpatācariyena kataṃ. Kārikāya ṭikā attano matiyā aññatarācariyena katā. Etimāsamidīpikāya ṭikā attano matiyā aññatarācariyena katā.

Saddabindupakaraṇaṃ attano matiyā dhammarājassa gurunā aññatarācariyena kataṃ. Saddavuttīpakāsakaṃ nāma pakaraṇaṃ aññatarena bhikkhunā āyācītena saddhammaguru nāmācariyena kataṃ. Saddavuttīpakāsakassa ṭikā attano matiyā sārīputtācariyena katā.

Kaccāyana sāro ca kaccāyanasāraṣsa ṭikā cāti duvidhaṃ pakaraṇaṃ attano matiyā aññatarācariyena kataṃ. Lokadīpakasāraṃ nāma pakaraṇaṃ attano matiyā

navenamedhañkarācariyena kataṃ. Lokuppattipakaraṇaṃ attano matiyā aggapaṇḍitācariyena kataṃ. Jaṅghadāsakassa ṭikā bhūtā magadhaṭṭikā attano matiyā cīvarācariyena katā. Mātikatthadīpanī, abhidhammatthasaṅgahavaṇṇanā, sīmālañkārasaṭṭikā, gaṇṭhisāro, paṭṭhānagaṇanānayo cāti ime pañca pakaraṇāni attano matiyā saddhammajotipālācariyena katāni. Sañkhepavaṇṇanā parakkamabāhu-nāmena jambudīpissarena rañño āyācite teneva saddhammajotipālācariyena katā. Kaccāyanassa suttaniddeso attano sissena dhammacārinā therena āyācitena saddhammajotipālācariyena kato. Vinayasamuṭṭhānadīpanī nāma pakaraṇaṃ, attano gurunā saṅghatherena āyācitena saddhamma-jotipālācariyena kataṃ.

Sattapakaraṇāni pana tena pukkāmanagare katāni. Sañkhepavaṇṇanāva lañkādīpe katā. Abhidhamma-pannarasaṭṭhānavavaṇṇanaṃ nāma pakaraṇaṃ attano matiyā navena-vimalabuddhācariyena katā. Saddasāratthajālīnī nāma pakaraṇaṃ attano matiyā navena-vimalabuddhācariyena kataṃ. Saddasārattha-jālīniyā ṭikā, paṃyanagare rañño gurunā saṅgharājena āyācitena teneva navena vimalabuddhācariyena katā. Vuttodayassa ṭikā, abhidhammasaṅgahassa ṭikāya paramatthamañjūsā nāma anuṭṭikā, dasagaṇṭhivaṇṇanaṃ nāma pakaraṇaṃ, magadhabhūtaḍḍaggamukhamaṇḍaniyāṭṭikā cāti imāni cattāri pakaraṇāni attano matiyā teneva navena vimalabuddhācariyena katāni.

Pañcapakaraṇaṭṭikāya navānuṭṭikā attano matiyā aññataro cariyeṇa katā. Abhidhammasaṅgahassa navaṭṭikā attano matiyā aññatarācariyena katā. Abhidhammatthasaṅgahaṭṭikāya [maṇi] mañjūsā [maṇisāramañjūsā] nāma navānuṭṭikā attano matiyā ariyavaṃsācariyena katā.

Peṭakopadesassa ṭikā attano matiyā udumbarināmācariyena pukkāmanagare katā. Catubhāṇavārassa aṭṭhakathā, mahāsārapakāsini, mahādīpanī, sāratthadīpanī, gatipakaraṇaṃ, hatthāsāro, bhūmasaṅgaho, bhūmaniddeso, dasavatthukāyaviratiṭṭikā, codanānirutti, vibhattikathā, saddhammālini, pañcagatīvaṇṇanā, bālaccitta-pabodhanaṃ, dhammacakkasuttassa navaṭṭhakathā, dantadhātu-pakaraṇassa ṭikā ca saddhammopāyano bālappabodhanaṭṭikā ca, jinālañkārasa navaṭṭikā ca, līngattha-vivaraṇaṃ, līngattha-vinicchayo, pātimokkhaḍḍavivaraṇaṃ, paramatthakathāvivaraṇaṃ, samantapāsādikavivaraṇaṃ, catubhāṇavāraṭṭhakathā vivaraṇaṃ, abhidhammasaṅgahavivaraṇaṃ, saccasañkhepavivaraṇaṃ, saddatthabhedacintāvivaraṇaṃ, saddavuttīvivaraṇaṃ, kaccāyanasāravivaraṇaṃ, kaccāyanavivaraṇaṃ, abhidhammasaṅgahassaṭṭikāvivaraṇaṃ, mahāvessantarajātakassa vivaraṇaṃ, sakkābhīmatā, mahāvessantarajātakassa navaṭṭhakathā, paṭṭhama-sambodhi ca lokanetti, buddhaghosācariyanidānaṃ, milinda-pañho vaṇṇanā, caturārakkhā, caturārakkhāyaṭṭhakathā, saddavuttīppakaraṇassa navaṭṭikā cāti imāni, ticattālīsa pakaraṇāni attano matiyā sāsanaṃ jātīyā saddhammassa ṭhītiyā ca lañkādīpādīsu viṃsu viṃsu katāni.

Sambuddhe gāthā ca...pe... navahāraguṇavaṇṇanā cāti ime buddhapaṇāmādikā gāthāyo. Attano attano buddhaguṇapakāsanatthāya attano ca pare ca anantapaññāpavattanatthāya ca paṇḍitehi lañkādīpādīsu viṃsu viṃsu katā.

[Iti culla-ganthavaṃse āyācakācariyadīpako nāma catuttho paricchedo.]

5. Pakiṇṇaka-paricchedo

Nāmaṃ āropanaṃ potthakaṃ ganthakārassa ca. Lekhaṃlekhāpanaṃceva, vadāmi tadanantaranti. Tattha caturāsītiyā dhammakhandhasahassāni piṭaka, nikāyaṅga, vagga, nipātādikaṃ nāmaṃ, kenāropitaṃ, kattha āropitaṃ, kadā āropitaṃ, kimatthaṃ āropitanti? Tatrāyaṃ pivisañjanākena āropitanti pañcasatakhīṇāsavehi āropitaṃ. Tehi sabbabuddhavacanaṃ saṅgāyanti, idaṃ piṭakaṃ, ayaṃ nikāyo, idaṃ aṅgaṃ, ayaṃ vaggo, ayaṃ nipātoti. Evamādikaṃ nāmaṃ āropenti. Kattha āropitanti? Rājagahe vebhārapabbatassa pāde dhammamaṇḍappe āropitaṃ. Kadā āropitanti? Bhagavato parinibbute paṭṭhamaṅgāyanakāle āropitaṃ. Kimatthaṃ āropitanti? Dhammakhandhānaṃ vohārasukhatthāya sukhadhāraṇatthāya ca āropitaṃ. Saṅgītikāle pañcasatā khīṇāsavā tesaṅca dhammakhandhānaṃ nāma vagganipātato. Imassa dhammakhandhassa ayaṃ nāmo hotu, imassa ca pakaraṇassa ayaṃ nāmoti, abravuṃ sabbaṃ nāmādikaṃ kiccaṃ akaṃsu. Te

khīṇāsavā, yadi nāmādikam kiccaṃ akataṃ na supākataṃ tasmā vohārasukhatthāyanāmādikam kiccaṃ kataṃ anāgate panathāya nāmādikam pavattitaṃ asaṅjātanāmo na suṭṭhu pākato sabbaso bhaveti. Dhammakkhandhānaṃ nāma dīpanā niṭṭhitā.

Caturāsīti dhammakkhandhasahassāni kena potthake āropitāni, kadā āropitāni, kimatthaṃ āropitānīti. Tatrāyaṃ visajjanā kenāropitānīti? Khīṇāsavamahānāgehi āropitāni. Kattha āropitānīti? Laṅkādiṭṭhe āropitāni. Kadā āropitānīti? Saddhātissassarājino puttassa vaṭṭagāmani rājassa kāle āropitāni. Kimatthaṃ āropitānīti? Dhammakkhandhānaṃ avidhaṃsanathāya saddhammaṭṭhitiyā ca āropitāni.

Dharamāno hi bhagavā, amhākaṃ sugatodhīro;
Nikāye pañcadeseti, yāva nibbānagamanā.

Sabbepi te bhikkhu ādi, manasā vacasāhāro;
Sabbe ca vācuggatā honti, mahāpaññāsativarā.

Nibbūte lokanāthamhi, tato vassasataṃ bhavē;
Ariyānariyā cāpi ca, sabbe vācuggatā dhuvam.

Tato paraṃ aṭṭharasaṃ, dvisataṃvassa gaṇanaṃ;
Sabbe puthujjanā ceva, ariyā ca sabbepite.

Manasāvacaśāyeva, vācuggatāva sabbadā;
Duṭṭhagāmaṇirañño ca, kāle vācuggatā dhuvam.

Ariyānariyāpi ca, nikāye dhāraṇāsadā;
Tato paramhi rājā ca, tato cuto ca tusite.

Uppajji deva loke so, devehi parivārito;
Saddhā tissoti nāmena, tassa kaniṭṭhako hito.
Tato laddharaṭṭho hoti, buddhasāsanapālako.

Tadā kāle bhikkhū āsum, sabbe vācuggatā sadā;
Nikāye pañcavedheva, yāva rañño ca dhāraṇā;
Tato cuto so rājā ca, tussīte upapajjati;
Devaloketṭhito santo, tadā vācuggatā tato.

Tassa puttāpi ahesuṃ, anakā varajjaṃ gatā;
Anukkamena cutate, devalokaṃ gatā dhuvam;
Tadāpīte sabbe bhikkhū, vācuggatāva sabbadā;
Nikāye pañcavidheva, dhāraṇāvasatimatā.

Tato paraṃ potthakesu, nikāyā pañca piṭṭhitā;
Tadā aṭṭhakathā ṭīkā, sabbe ganthā potthake gatā;
Sabbe potthesu ye ganthā, pāli aṭṭhakathā ṭīkā;
Saṃṭṭhitāsaṃ ṭhitā honti, sabbepi no na santite.

Tadā te potthakeyeva, nikāyā piṭṭhitā khilā;
Tadā aṭṭhakathādīni, bhavantīti vadanti ca.

Parihāro paṇḍitehi vattabbova;
Laṅkādiṭṭhassa rañño, saddhā tissassa rājino.
Puttako laṅkādiṭṭhassa, issaro dhammiko varo;
Tadā khīṇāsavā sabbe, oloketi anagate.

Khīṇāsavā passanti te, dupaññeva puthujjane;
 Sabbepi te bhikkhū āsum, bahumtarā puthujjanā;
 Na sakkhissanti te pañca, nikāye vācuggataṃ iti;
 Potthakesu sabbe pañca, āropenti khīṇāsavā.

Saddhammaṭṭhiti cirattāya, janānaṃ puññatthāya ca;
 Tato paṭṭhāyate sabbe, nikāyā honti potthake;
 Aṭṭhakathā ṭīkā sabbe, te honti potthakeṭṭhitā.

Tato paṭṭhāyate sabbe, bhikkhu ādi mahāgaṇā;
 Potthakesu ṭhiteyeva, sabbe passanti sabbadā.

[Potthake āropana dīpakā niṭṭhitā.]

Yo koci paṇḍito dhīro, aṭṭhakathādikaṃ ganthaṃ karoti vā kārāpeti vā, tassa anantako hoti puññasamcayo, anantako hoti puññānisamso. Caturāsīti cetiyasahassa karaṇasadiso, caturāsīti buddharūpasahassa karaṇasadiso, caturāsīti bodhirukkhasahassaropanasadiso, caturāsīti vihārasahassa karaṇasadiso, yo ca buddhavacanamañjūsaṃ karoti vā kārāpeti vā, yo ca buddhavacanaṃ maṇḍanaṃ karoti vā kārāpeti vā, yo ca buddhavacanaṃ lekhaṃ karoti vā kārāpeti vā, yo ca potthakaṃ vā, yo ca potthakamūlaṃ vā, deti vā dāpeti vā, yo ca telaṃ vā cuṇṇaṃ vā, dhaññaṃ vā potthakabhañjanatthāya yaṃ kiñci nitthaṃ vā potthakachidde āvunatthāya, yaṃ kiñci suttaṃ vā kaṭṭhaphalakadvayaṃ vā potthakaṃ puṭṭanatthāya yaṃ kiñci vatthaṃ vā, potthakabandhanatthāya, yaṃ kiñci yottaṃ vā potthakalāpa puṭṭanatthāya yaṃ kiñci thavikaṃ deti vā dāpeti vā.

Yo ca haritālena vā manosilāya vā, suvaṇṇena vā rajatena vā potthakamaṇḍanaṃ vā kaṭṭhaphalakamaṇḍanaṃ vā karoti vā kārāpeti vā, tassa anantako hoti puññasamcayo, anantako hoti puññānisamso. Caturāsīti cetiyasahassa karaṇasadiso, caturāsīti vihārasahassa karaṇasadiso.

Bhave nibbattamāno so, sīlaguṇamupāgatā;
 Mahā tejo sadā hoti, sīhanādo visārado.

Āyuvannaṃabaluppato, dhammakāmo bhava saddā;
 Devamanussalokesu, mahesakkho anāmāyo.

Bhave nibbattamāno so, paññavā susamāhito;
 Adhipacca parivāro, sabbasukhādhi gacchati.

Saddohīrimā vadaññū, saṃvigga mānaso bhava;
 Aṅgapaccaṅga sampanno, āroha pariṇāhavā.

Sabbe sattāpi yo loke, sabbattha pūjitābhava;
 Devamanussa sañcaro, mittasahāya pālito.

Devamanussa sampattiṃ, anubhoti punappunaṃ;
 Arahatta phalaṃ patto, nibbānaṃ pāpuṇissati.

Paṭisambhidā catasso, abhiññā chabbidhe vare;
 Vimokkhe aṭṭhake seṭṭhe, gamissati anāgate.

Tasmāhi paṇḍito poso, saṃpassaṃ hita mattano;
 Kāreyya sāma ganthe ca, aññe cāpi kārāpaye.

Potthake ca ṭhite ganthe, pāli aṭṭhakathādike;

Dhammamañjūsā ganthe ca, lekhaṃ kare kārāpaye.

Potthakaṃ potthakamūlañca, tesam cullathūsampi ca;
Pilotikādikaṃ suttaṃ, kaṭṭhaphaladvayamhi ca.

Dhammabandhanatthāya ca, yaṃ kiñci mahagghaṃ vatthaṃ;
Dhammabandhanayottañca, yaṃ kiñci thavikampi ca.

Dadeyya dhammakhattamhi, vipassannena cetasā;
Añño cāpi dajjāpeyya, mittasahāyabandhaveti.

Ganthākaralekhalekhāpanānisamsa dīpanā niṭṭhitā.

[Iti cūlaganthavaṃse pakiṇṇakadīpako nāma pañcama paricchedo.]

Sohaṃ haṃsāraṭṭha jāto, nantapaññoti vissuto
Saddhā sīla vīrappeto, dhammarasaṃ gavesano.

Sohaṃ tato gantvā cimaṃ, jina navaṃ yaṃ pūraṃ;
Sabba dhammaṃ vicinanto, vīsati vassamāgato.

Sabba dhammaṃ vissejjento, kikāre neva bhikkhuno;
Cha vassānaṃ gaṇaṃ bhivā, kāmānaṃ abhimaddanaṃ.

Santi sabhā ca nibbānaṃ, gavesiñca punappaṇaṃ;
Vasantoḥaṃ, vanārammaṃ, piṭakattaya saṅghaṃ;
Ganthavaṃsaṃ imaṃ khuddaṃ, ariyasaṅghadāsakanti.

Iti pāmojjatthāya araññavāsīnā, nandapaññācariyena kato cūlaganthavaṃso niṭṭhito.

Dhammavaṭsaṃsakanāmena visuto thero, yaṃ pakaraṇaṃ likkhitaṃ taṃ paripuṇṇaṃ tena
puññaena taṃ piṭakaṃ parisippaṃ pariniṭṭhitaṃ.

Mameva sissasamūhānañca parisippaṃ pariniṭṭhitaṃ. Tave sissānū sissāni ca, parisippaṃ
pariniṭṭhitaṃ.

Cūlaganthavaṃso niṭṭhito.